

傷寒活人書

全四卷

十六
二十一
共三十二
傷寒
終

武 9
236
4止



武
編 236
卷 4 止

中 9

增注類證活人書卷第十六

此一卷載雜方大率仲景證多而藥少使皆如仲
景調理既正變異不生則麻黃桂枝青龍用之而
有餘以後世望聖人難矣仲景藥方缺者甚多至
如陰毒傷寒時行溫疫溫毒發斑之類全無方書
今採外臺千金聖惠金匱王函補而完之凡百有
餘道以證合方以方合病雖非仲景筆削然皆古
名方也譬猶周易參同華嚴合論步驟馳騁不外
乎聖人之意又况俗學又矣一日革之悉用古法
卽陽春白雪復生謗毀適足以杜絕治法今撥歸



經絡裁減湯劑參以雜方庶幾庸人易曉日就月
將辛甘發散酸苦湧泄之術行即俗方不革而自
寢矣此余所以載雜方之意也又况五積散敗毒
散升麻湯萎蕤湯之類縱治不對病用之或差亦
無所害載之卷末以俟采擇

升麻湯 治傷寒中風頭痛憎寒壯熱支體痛發熱
畏寒鼻乾不得睡兼治小兒大人瘡癩已發未發皆
可服兼治寒暄不時人多疾疫乍暖脫着及暴熱之
次忽變陰寒身體疼痛頭重如石者

升麻

白芍藥

甘草 各

乾葛 各等分

右剉如麻豆大每服五錢以水一盞半煎至八分
去滓溫服若大段寒即熱服若熱即溫服瘡疹亦
准此服藥已身涼止藥小兒量度多少服如老兒
喫去芍藥加柴胡一兩入參半兩雪白芍藥一分
防風白朮牡蠣湯 治發汗多頭眩汗出筋惕肉瞤

防風

獨莖者去蘆頭

牡蠣粉

炒黃

白朮

等分

右搗羅為細末每服二錢以酒調下米飲亦得日
進二三服汗止便服小建中湯

金匱奔豚湯去芎藭加茯苓者也

李根湯治氣上衝正在心端

半夏湯洗 當歸壹分 芍藥壹分

茯苓壹分 桂枝壹兩 黃芩壹分

甘草炙壹分 甘李根白皮貳合

右剉如麻豆大每服抄五錢匕生姜四片水一盞半煎至八分去滓溫服

大橘皮湯動氣在下不可發汗發汗則無汗心中

大煩骨節疼痛目運惡寒食則反吐穀不得入先服

大橘皮湯吐止後服小建中湯

橘皮壹兩半 甘草炙半兩

金匱橘皮竹茹湯

人參壹分 竹茹半升

右剉如麻豆大每服五錢生姜四片棗子一枚以

水二鍾煎取一盞去滓分二服

橘皮竹茹湯治噦逆

橘皮貳兩 竹茹壹升 甘草貳兩炙

人參半兩 半夏壹兩湯洗

右剉如麻豆大每服五錢生姜六片棗子一枚以水二大盞煎至一盞去滓溫服日進三服

生姜橘皮湯治乾嘔噦若手足厥冷者

橘皮肆兩 生姜半斤

金匱橘皮湯

右判如麻豆大水七盞煎至三盞去滓温服一盞

陰旦湯治傷寒肢節疼痛内寒外熱虛煩

芍藥貳兩

甘草貳兩

乾姜參兩炮

黃芩參兩

桂四兩

右判如麻豆大每服抄五錢棗二枚水一盞半煎至八分去滓温服日三夜二

陰毒甘草湯治傷寒初得病一二日便結成陰毒

或服藥六七日已上至十日變成陰毒身重背強腹

中絞痛咽喉不利毒氣攻心心下堅強短氣不得息

嘔逆唇青面黑四支厥冷其脉沉細而疾伸身云此

陰毒之候身如被杖喉咽痛五六日可治至七日不治

甘草炙

升麻

當歸各貳分

雄黃壹分

桂枝去皮貳分

鱉甲壹兩半醋炙秤

蜀椒

壹分出汗閉口者及子去之

右判如麻豆大每服抄五錢匕水一盞半煎至八分去滓服如人行五里頃更進一服温覆取汗毒當從汗出汗出即愈若未汗再作

白朮散治陰毒傷寒心間煩躁四肢逆冷

白朮壹兩

細辛壹兩

附子壹兩炮去皮臍用

桔梗

壹兩去蘆頭

乾姜半兩炮製判

川烏頭壹兩炮裂去皮臍

右件藥搗為細末每服二錢以水一中盞煎至六分不計時候稍熱和滓頓服

附子散治陰毒傷寒唇青面黑身背強四肢冷

附子參分炮裂去皮 桂心半兩 當歸半兩剉微炒

乾姜壹分炮裂判 半夏壹分湯洗七次去滑 白朮半兩

右件搗篩為細散每服三錢以水一中盞入生姜半分煎至六分去滓不計時候熱服衣覆取汗如人行十里未汗再服

正陽散治陰毒傷寒面青張口出氣心下硬身不熱只額上有汗煩渴不止舌黑多睡四肢俱冷

甘草壹分炙微赤判 附子壹兩炮裂去皮臍 麝香壹錢細研入

乾姜壹分炮裂判 皂莢壹挺去皮塗酥炙令黃色去下

右件搗羅為細末每服二錢以水一中盞煎至五分不計時候和滓熱服

肉桂散治傷寒服冷藥過度心腹脹滿四肢逆冷昏沉不識人變為陰毒

肉桂參分去皺皮 赤芍藥壹兩 陳橘皮壹兩

前胡壹兩去蘆頭 附子壹兩炮裂去皮臍 當歸壹兩

白朮參分 高良姜參分判 人參壹兩去蘆頭

吳茱萸半兩湯浸 厚朴參分去皮姜汁炙令香熟 木香參分

右件搗為粗末每服四錢以水一中盞入棗子三枚煎至六分去滓不計時候稍熱頻服

回陽丹 十一 治陰毒傷寒面青手足逆冷心腹氣脹脉候沉細宜此治之

硫黃 半兩細研入 木香 半兩 葶澄茄 半兩

附子 半兩炮裂去皮臍 乾姜 壹分炮裂到 乾蠍 半兩

吳茱萸 半兩 浸七遍焙乾微炒

右件藥搗羅為細末酒煮麩糊為丸如梧桐子大每服不計時候以生姜湯下二十九丸頻服二服復以熱酒一盞投之以厚衣蓋取汗

返陰丹 十三 治陰毒傷寒心神煩躁頭痛四支逆冷

硫黃 伍兩 大陰玄精石 貳兩另研 硝石 貳兩另研用

附子 炮裂去皮臍 乾姜 炮裂 桂心 已上各半兩

右件藥用生鐵銚先鋪玄精末一半次鋪消石末一半中間下硫黃末又着消石蓋硫黃都以玄精蓋上訖用小盞合着以三斤炭火燒令得所勿令煙出多急取瓦盆合着地面四向著灰蓋勿令煙出直候冷取出細研如麵後三味搗羅為末與前藥同研令勻用軟飯和丸如梧桐子大每服十五丸至二十九煎艾湯下頻服汗出為度病重則三

十九此方甚驗喘促與吐逆者入口便住又服此方藥三五服服之不退便於臍下一寸灸之須是大段日夜不住手灸不限多少壯數灸之仍艾炷勿令小小則不得力若其人手足冷小腹硬即須更於臍下兩邊各一寸各安一道三處臍下灸仍與當歸四逆湯并返陰丹亦須頻服內外通透方得解退若遲慢即便死矣又若是陰症加以小便不通及陰囊縮入小腹絞痛欲死者更於臍下二寸石門穴大段急灸之仍須與返陰丹當歸四逆加吳茱萸生姜湯慎勿與尋常利小便藥也尋常

利小便多是冷滑藥此是陰毒氣在小腹所致也世有醫者見小便不通便用炒鹽及暴熱藥於臍下便熨欲望小便通緣陰氣在小腹之間致被熱物熨着無處出得即便奔上衝心往往有死者天雄散十四治陰毒傷寒身重背強腹中疔痛咽喉不利毒氣攻心心下堅強短氣嘔逆唇青面黑四肢厥冷其脉沉細而疾

天雄壹兩炮裂去皮臍

麻黃半兩去根節

當歸半兩切微炒

白朮半兩

肉桂壹兩去粗皮

半夏半兩湯泡洗七次去滑

陳橘皮

參分湯浸去白瓢炒

乾姜

參分炮

川椒

壹分去目及閉口者微炒去汗

厚朴

壹兩去粗皮塗生薑汁炙令香熟

右件藥搗為粗末每服五錢以水一大盞入生姜半分棗子三枚煎至五分去滓不計時候稍熱服如人行十里末汗再服

續添

正元散

退陰散

出百問方

正元散 治傷寒如覺傷寒吹着四肢頭目百骨節疼痛急煎此藥服如人行五里再服或連進三服出汗立差若患陰毒傷寒入退陰散錢同煎或傷冷傷食頭昏氣滿及心腹諸疾服之無有不取効者

麻黃

去節秤

陳皮

大黃

生用

甘草

炙

乾姜

炮用

肉桂

去皮

芍藥

附子

炮去皮用

茱萸

湯洗焙炒

半夏

洗各等分

右麻黃加一半茱萸減一半同為末每服一大錢水一盞生姜三片棗一枚煎至七分熱服如出汗以衣被蓋覆切須候汗乾去衣被如是陰毒不可用麻黃免更出汗

退陰散

治陰毒傷寒手足逆冷脉沉細頭痛腰重

連進三服小小傷冷每服一字入正元散內同煎入鹽一捻陰毒傷寒欬逆煎一服細細執呷便止

川烏

乾姜 各等分

右為粗末炒令轉色放冷再搗為細末每服一錢水一盞鹽一捻煎半盞去滓溫服

葱熨法

十五

治氣虛陽脫體冷無脉氣息欲絕不省

人及傷寒陰厥百藥不効葱以索纏如繩許大切去根及葉唯存白長二寸許如大餅餠先以火熨一面令通熱又勿令灼人乃以熱處搭病人臍連臍下其上以熨斗滿貯火熨之令葱餅中執氣

餅入肌肉中須預作三四餅一餅壞不可熨又易

一餅良久病人當漸醒手足溫有汗即差更服四逆湯輩溫其內昔曾有患傷寒冥冥不知人四體堅冷如石藥不可入用此遂差

葶藶苦酒湯

十六

治傷寒七八日內熱不解

苦酒

米醋是也 壹升半

生艾汁

半升無生艾煮熟艾汁 或用艾根搗取汁用

葶藶

熬杵膏 壹合

右煎取七合作三服

陽毒升麻湯

十七

治傷寒一二日便成陽毒或服藥

吐下之後變成陽毒腰背痛煩悶不安面赤狂言或

走或見鬼或下利脉浮大數面赤斑斑如錦紋喉咽痛下膿血五日可治七日不可治也

升麻 貳分 犀角屑 壹分 射干 壹分

黃芩 壹分 人參 壹分 甘草 壹分

右剉如麻豆大以水三升煎取一升半去滓飲一

湯盞食頃再服溫覆手足出汗汗出則解不解重作

大黃散 治陽毒傷寒未解熱結在內恍惚如狂者

川大黃 壹兩 桂心 叁分 甘草 壹兩 炙

川芎 貳兩 木通 壹兩 大腹皮 壹兩 切

桃仁 貳拾壹枚湯浸去皮尖雙仁麩炒令微黃

右件搗為粗末每服四錢以水一中盞煎至六分

去滓不計時候溫服以通利為度

梔子仁湯 治陽毒傷寒壯熱百節疼痛

梔子仁 壹兩 柴胡 壹兩半 川升麻 貳兩

黃芩 貳兩 赤芍藥 壹兩 大青 壹兩

石膏 貳兩 知母 壹兩 甘草 半兩 炙

杏仁 貳兩湯浸去皮尖雙仁者麩炒微黃

右件搗為麩末每服抄四錢以水一中盞入生姜半分豉一百粒煎至六分去滓不計時候溫服

黑奴丸 時行熱病六七日未得汗脉洪大或數

桃核承氣加木通腹皮

面赤目瞪身體大熱煩躁狂言欲走大渴甚又五六日已上不解熱在胃中口噤不能言為壞傷寒醫所不治為死或人精魂已竭心下纔暖發開其口灌藥下咽即活兼治陽毒及發斑

大黃貳兩

釜底煤研入

黃芩

芒硝

竈突墨研入

梁上塵

小麥奴各壹兩

麻黃去節泡一二沸焙乾秤參兩

右件搗羅為細末煉蜜為丸如彈子大以新汲水研下一丸渴者但與冷水盡足飲之須臾當寒寒竟汗出便差若日移五尺不汗依前法服一丸差

即止須微利小麥奴乃小麥未熟時叢中不成莖揔之成黑勃是也無此亦得此藥須是病人大渴倍常燥盛渴者乃可與之不渴若與之翻為禍耳

五積散治陰經傷冷脾胃不和及感寒邪

枳殼伍兩麩炒令色黃熟 官桂去皮貳兩

厚朴參兩去皮淨

人參貳兩 吳白芷肆兩洗淨焙乾

白茯苓參兩

芍藥參兩洗淨 當歸參兩洗淨

麻黃去節參兩

半夏參兩湯洗七遍 川芎貳兩

陳橘皮捌兩洗不去穢

甘草貳兩半 乾姜參兩

蒼朮貳拾肆兩新者淨洗焙乾

桔梗拾貳兩緊實白者洗淨焙乾

右件除枳殼肉桂外其餘並一處生搗為粗末分作六分於大鑊內用文武火炒令黃熟不得焦用紙攤於板床候冷入前件枳殼官桂末一處和勻入瓷合盛每服二錢水一盞生姜三片同煎至七分去滓服傷寒入葱白一莖豆豉七粒同煎連服出汗或脾胃不和內傷冷食渾身疼痛頭昏無力胃膈不利喫食不下氣脉不和四支覺冷至晚心躁困倦即入鹽少許同煎或是陰經傷寒手足逆冷或睡裡虛驚及虛汗不止脉細疾面青嘔逆更宜入附子同煎加減多少並在臨時

霹靂散 治陰盛隔陽煩躁不飲水

附子一枚及半兩者炮熟取出用冷灰培之去皮臍為粗末真臘茶一大錢細研同和分作二服每服用水一盞煎六分臨熟入蜜半匙放溫冷服之須臾躁止得睡汗出即差

火焰散 治傷寒惡候

舶上硫黃 黑附子去皮生用 新臘茶已上各壹兩為細末
右先用好酒一升調藥分大新椀五口中於火上攤蕩令乾合於瓦上每一椀下燒熟艾一拳大以瓦搯起無令火着直至煙盡冷即刮取却細研入

糞合盛每服二錢酒一盞共煎七分有火焰起勿
 訝傷寒陰毒者四肢冷脉沉細或吐或瀉五心躁
 煩胃中結硬或轉早伏陽在內湯水不得下或無
 脉先喫一服如吐却更進一服後心中熱其病已
 差下至臟腑中表未解者渾身壯熱脉氣洪大便
 宜用發表藥或表解者更不發熱便得眠睡渾身
 有汗方可用調氣湯散如服此藥二服不應勿治
 之也

丹砂丸

三十四

治傷寒陰陽二毒相伏危惡形證

舶上硫黃

水銀

太陰石

太陽石

玄精石

已上各壹兩研

硝石

半兩

右件藥為末先用無油銚子以文武火炒下諸藥
 末令勻如灰色研如粉麵生薑自然汁浸蒸餅為
 丸如棗豆大每服五丸龍腦牛黃生薑蜜水下壓
 躁也若陽毒棗湯下陰毒每在湯下不得於屋底炒

白盞煎至一盞半去滓分二服

假鼠糞湯

二十六

治傷寒病後男子陰易方

韭根

壹大把

假鼠糞

拾肆枚

雞卵苦則毒棗越不刺毒毒越不不刺故呈風快
其咬棗豆大每卵正其煎粥半黃土薑蜜水不壅
末令已咬刃色兩咬餘酸土薑自然土氣蒸指為
本中藥為末去用無曲瘧子以文先火炒不煎藥
太則不 玄蘇不 壹兩 兩 太蘇不 半兩

增注類證活人書卷第十七

五味子湯

二十五

治傷寒喘促脉伏而厥

人參 一分

五味子 半兩

麥門冬

去心 壹分

杏仁

去皮尖 一分

橘皮

去白 壹分

右剉如麻豆大入生薑十片棗子三枚以水三大
白盞煎至一盞半去滓分二服

猴鼠糞湯

二十六

療傷寒病後男子陰易方

菲根

壹大把

猴鼠糞

拾肆枚

右二味以水二升煎取半升去滓再煎三沸溫溫
盡服必有粘汗出為効未汗再作服亦理諸般勞

復鼠屎兩頭尖者是也

竹皮湯二十七 療交接勞復卵腫腹中絞痛欲絕

刮竹青皮 一升

右一味以水三升煮一升半絞去滓分服立愈

續添乾姜湯出百問方 療婦人得溫病雖差平復未

滿一百日不可與交合交合為陰易之病病必拘急手足拳皆死丈夫病以傷婦人名為陽易速當療之可差滿一百日不可療也宜令服此藥

乾薑 一分炮

右剉如麻豆大水二盞煎六分溫服汗出得解止

手足伸遂愈

續添青竹茹湯出百問方 婦人病未平復因有所動

致熱氣上衝曾手足拘急搐搦如中風狀方

括樓根無黃根者二兩 青竹茹刮半升淡竹者

右以水二升半煮取一升二合去滓溫溫作二三

服喫立有効

續添當歸白朮湯出百問方 婦人未平復因有所動

小腹急痛腰膝疼四肢不任舉身無熱發者

白朮 一分 當歸 一分 桂枝 一分 炙

附子 一枚破分八片去皮 生薑 半兩 甘草 一分炙

芍藥 一分

人參 一分

黃耆 一分
蜜炙

右剉如麻豆大以水三升煮取一升半去滓通口服一湯盞食頃再服一湯盞溫服微汗便差

知母麻黃湯二十八傷寒差後或十數日或半月二十

日終不惺惺常昏沉似失精神言語錯謬又無寒熱

醫或作鬼祟或作風疾多般治不差或朝夕潮熱頰

赤或有寒熱似瘧都是發汗不盡餘毒在心胞絡之

間所致

知母 一兩半

麻黃 去節

甘草 炙

芍藥

黃芩 各半兩

桂枝 去皮半兩
是時裁在否

右剉如麻豆大每服抄伍錢以水一盞半煎八八

去滓溫服半日可相次二三服溫服令微汗若

煩不眠欲飲水當稍稍與之令胃中和即愈未汗

須再服之

鱉甲散三十九傷寒八九日不差名曰壞傷寒不能治

者宜此療之

升麻

前胡 去蘆

烏梅 去核

枳實 麸炒去白

犀角 鎊

黃芩 各半兩

生地黄 切兩合

甘草 壹分炙

鱉甲 去裙米醋炙赤
黃梓碎用半兩

右剉如麻豆大每服抄五錢匕水一盞半煎至八

外其卷一以此方考張文仲

分去滓温服

人參順氣散三十一治傷寒頭疼增寒壯熱四肢疼痛

麻黃去節秤壹兩半

乾葛壹兩

白朮壹兩

甘草壹兩炙

桔梗去蘆壹兩

人參壹兩

白姜半兩炮

香白芷壹兩

右搗羅為細末每服三錢水一大盞生姜三片葱

白二寸煎至八分通口服如要出汗連進二服

蒼朮散三十二治傷三日頭疼發熱憎寒身體疼痛

麻黃壹兩湯洗過焙乾秤

蒼朮半兩米泔浸去皮切

石膏壹兩煨

桔梗半兩

甘草半兩炙

山茵陳半兩去梗

右為細末每服二錢水一盞煎至八分連服出汗

麻黃葛根湯三十三治傷寒一日至二日頭項及腰脊

拘急疼痛渾身煩熱惡寒

麻黃用沸湯泡一二次焙乾秤

芍藥各叁兩

乾葛四分

葱白柒莖

豉一合

右剉如麻豆大每服四錢水一盞半煎一中盞去

滓温服服了以厚衣蓋覆如人行四五里間再服

良久如未得汗出更煮葱粥少許熱投之取汗

敗毒散三十三治傷風濕疫風濕頭目昏眩四肢痛憎

寒壯熱項強目睛疼尋常風眩拘倦風痰皆服神效

羌活洗去土

獨活去蘆

前胡去蘆

柴胡去苗

芎藭

枳殼麸炒去穰

白茯苓去皮

桔梗去蘆頭

人參已上各壹兩

甘草半兩炙

右件搗羅為末每服三錢入生姜二片水一盞煎七分或沸湯點亦可老人小兒亦宜日三二服以知為度瘴煙之地或溫疫時行或人多風痰或

卑濕脚弱此藥不可闕也

獨活散三十四治傷風溫瘴等疾

羌活去蘆頭

獨活去蘆頭

人參

細辛去灰土葶陰者佳

白茯苓去皮

枳殼去心麸炒通黃用

防風去蘆

黃芩細堅者

麻黃沸湯泡三

甘草細剉炒赤

甘菊花已上各壹兩

石膏水飛過貳兩

右十三味搗羅為末每服三錢水一盞生姜三片薄荷四五葉同煎至七分去滓微熱呷如年高者以川芎代黃芩

桂枝石膏湯 三十五 治傷寒三日外與諸湯不差脈勢仍數邪氣猶在經絡未入臟腑者桂枝石膏湯此方可夏至後代桂枝證用若加麻黃去節半兩可代麻黃青龍湯用之也有汗脈緩為桂枝證無汗脈緊為麻黃青龍證

桂枝 半兩去皮

石膏 貳兩碎

黃芩 半兩

甘草 半兩

梔子 肆枚小者可用捌枚

白藥子

升麻 叁分

乾葛 叁分

右剉如麻豆大每服抄五錢匕生姜四片水一盞半煎取八分去滓食頃再服若得汗即停後

梔子升麻湯 三十六

治晚發傷寒三月至夏為晚發

梔子 拾枚切碎

升麻 壹兩半

生地黄 半斤切碎用

柴胡 去蘆

石膏 各貳兩半

右剉如麻豆大每服抄五錢匕水一盞半煎至八分去滓頻服病不解更作若頭回赤去石膏用乾葛二兩無地黃用豉代之

橘皮湯 三十七

治傷暑痰逆惡寒

甘草 半兩

人參 壹分

陳橘皮 去白貳兩

右為粗末每服五錢用青新季竹輕輕刮上面青茹一團姜四片棗一枚水一盞半煎至八分去滓

熱服如不惡寒即宜竹葉湯

解肌湯三十八治傷寒溫病天行頭痛壯熱

葛根 壹兩 黃芩 半兩 芍藥 半兩

甘草 壹分炙 桂心 壹分 麻黃 叁分去節湯泡壹氣沸焙乾用

右六味剉如麻豆大每服抄五錢匕水一盞半棗子一枚煮取八分去滓日三服三四日不解脉浮者宜重服發汗脉沉實者宜下之

小柴胡加桂湯三十九治瘧疾先寒後熱蒸治支結

柴胡 捌兩 人參 甘草 炙

半夏 湯浸七次切 黃芩 桂 去皮已上各

右剉如麻豆大每服抄五錢匕水一盞半生薑切片棗二枚煎至八分去滓取六分清汁溫服日三夜二若渴者去半夏加人參栝樓根同煎服之

白虎加桂湯四十治瘧疾但熱不寒者

知母 六兩 甘草 炙二兩 石膏 一斤

粳米 二合 桂 去皮秤

右剉如麻豆大每服五錢水一盞半煎八分去滓服

柴胡桂姜湯四十一治寒多微有熱或但寒不熱亦治

勞瘧之證

柴胡 四兩 黃芩 一兩半 桂枝 一兩半去皮

栝樓根 二兩

牡蠣 杵碎炒

甘草 炙

乾姜 各二兩

右七味剉如麻豆大每服抄五錢水一盞半煎至一盞去滓溫服初服微煩汗出愈

瘡母煎 四十三 治久瘡不愈結為癥瘕寒熱

鱉甲 十二分炙

黃芩 三分

烏扇 三分燒存性用

柴胡 去苗陸兩

鼠婦 三分炒

乾姜 炮三分

大黃 三分

芍藥 伍分

肉桂 三分去皮

葶藶 二分炒

石葦 二分去毛

紫葳 三分

人參 一分

厚朴 三分炙

牡丹皮 伍分

瞿麥 一分

蠱虫 五分炒

阿膠 炒

蜂巢 各四分炒

朴硝 十二分

蜣螂 陸分炙

半夏 湯洗一分

桃仁 二分去皮尖

右搗羅為末銀窰下灰一斗清酒一斗五升浸灰候酒盡一半着鱉甲於中煮令泛爛如膠漆絞取汁內諸藥煎為丸如梧桐子大空心服七丸日三服有一方無鼠婦朴硝加海藻三分大戟一分扶邪丸 四十三 治瘡疾脉浮大寒熱往來用此吐之衛州書云瘡寒多熱少者痰多也然寒多熱少而脉浮則痰無疑矣可吐之也若脉遲微者惡寒瘡耳宜用

柴胡桂姜湯

恒山

甘草 炙

大黃

知母 各二兩

麻黃

四兩去節湯泡一二沸焙

右搗羅為末煉蜜為丸如梧桐子大每服十五丸
面向東清淨水吞下

猪膽雞子湯

四十四

治傷寒五六日斑出者

猪膽 二合

雞子 一枚

苦酒 三合

右三味和合煎三沸強人盡服羸人煎六七沸服
汗出即差

姜蕤湯

四十五

治風濕蕤療冬温及春月中風傷寒

熱頭眩痛喉咽乾舌強胃内疼痛滿腰背強

姜蕤 參分

石膏 壹兩 碎

白薇 半兩

麻黃

半兩湯泡焙乾碎

川芎

半兩

葛根

半兩生者可

大羌活

去蘆半兩

甘草

炙半兩

杏仁

去皮尖雙仁者

青木香

壹分冬壹兩始春用半兩炒

右剉如麻豆大每服五錢水壹盞半煎一盞日三四服

知母乾葛湯

四十六

治風濕身體灼熱甚者

知母

參錢

乾葛

捌錢

石膏

陸錢

甘草

貳錢炙

黃芩

貳錢

木香

貳錢

升麻

貳錢

姜蕤

五錢

天南星

貳錢生

温

人參 貳錢

防風 貳錢

麻黃 去節四錢
湯泡焙碎

杏仁 貳錢炒

川芎 貳錢

羌活 貳錢

右劉如麻豆大每服五錢水一盞半煎至一盞去滓服未知再服之

栝樓根湯 (四十七) 治風溫加渴甚者

栝樓根 參分

石膏 貳兩

人參 半兩

防風 半兩

甘草 半兩炙

葛根 壹兩半生用
乾者只參錢

右劉如麻豆大每服抄五錢匕用水一盞半煎至一中盞去滓溫服

漢防已湯 (四十八) 治風溫脈浮身重汗出者

漢防已 肆兩

甘草 貳兩炙

黃耆 貳兩蜜炙用

白朮 參兩

右劉如麻豆大每服五錢匕生姜四片大棗一枚水一盞半煎取一中盞去滓飲訖仍坐被中汗出如虫行或被卧取其汗

老君神明散 (四十九)

白朮 貳兩

桔梗 壹兩

附子 貳兩炮去黑皮用

烏頭 肆兩炮
去皮臍

真華陰 細辛 壹兩

右五味搗粗篩縫絹囊盛帶之居間里皆無病若有疫癘者溫酒服方寸匕覆取汗得吐即差若經

三四日抄三寸匕以水二碗煮令大沸分三服

務成子螢火丸五十主辟疾疫惡氣百鬼虎狼蛇虺

蜂蠆諸毒五兵白刃盜賊凶害皆辟之

螢火

鬼箭削取皮羽

蒺藜各壹兩

雄黃

雌黃

礬石各貳兩燒汁盪

羖羊角

鍛竈灰

鐵錘柄入鐵處燒焦各壹兩半

右九味搗篩為散以雞子黃并丹雄雞冠一具和之如杏仁大作三角絹囊盛五丸帶左臂仍更掛左

續添

聖散子方

此藥性溫若陽證有熱不可輕服之

聖散子蘇內翰云昔嘗覽千金三建散方於病無所

不治而孫思邈特為著論以謂此方用藥節度不近人情至於救急其驗特異乃知神物効靈不拘常制至理開感智不能知今予所謂聖散子者殆此類也自古論病惟傷寒為至危急表裡虛實日數證候應汗下之類差之毫釐輒至不救若時毒流行用聖散子者一切不問陰陽之感連服取差不可與傷寒比也若疾疫之行平旦輒煮一釜不問老幼良賤各一大盞即時不入其間平居無病能空腹一服則飲食快美百病不生濟世衛家之寶也其方不知其所從出而故人巢君世寶之以治溫疫百不失一予既得

之謫居黃州連年大疫所全活者不可勝數巢君初甚惜此方指江水為盟約不傳人余切隘之以傳蘄水道人龐安常龐以醫聞於世又善著書故以授之且使巢君之名與此方聞不朽東坡居士序

草豆蔻 拾枚去皮麵裹炮 木猪苓 去皮

石菖蒲 茯苓 高良姜

獨活 去蘆頭 附子 炮去皮臍 麻黃 去根節

厚朴 去皮姜汁炙 藁本 去沙土 芍藥

枳殼 去根麩炒 柴胡 去蘆頭 澤瀉

細辛 華陰者 防風 去蘆頭 白朮

藿香 半夏 姜製各半兩 甘草 壹兩炙

右剉如麻豆大每服五錢水一盞半煮取八分去滓熱服餘滓兩服合為一服重煎空心服之

調中湯 〔五十一〕 治夏月初秋忽有暴寒折於盛熱熱結於四肢則壯熱頭痛寒傷於胃則下利或血或水或赤壯熱迷悶脉數宜下之

大黃 去皮參分 葛根 黃芩

芍藥 桔梗 去蘆 藁本 真者無則以芍代之

茯苓 去皮 白朮 甘草 炙已上各半兩

右剉如麻豆大每服五錢水一盞半煮取一中盞

移時再服之得快利壯熱便歇小兒輩減與服之
凡秋夏旱熱積日或有暴寒折之熱無可散喜搏
着肌中作壯熱氣也胃為六腑之表最易為暴寒
傷之而下也虛冷人亦不壯熱但下利或霍亂也
不宜服此少實人可服五石人喜壯熱適與藥斷
下則加熱喜悶而死矣亦不止便作痺熱毒壯熱
甚不歇則劇是以宜調中湯下和其胃氣也調中
湯去大黃即治風溫證兼治陽病因下遂協熱利
不止及傷寒不因下自利表不解而脉浮數者皆
可去大黃煎之殊驗也

射干湯

五十三

治初秋夏月暴雨冷及天行暴寒其熱
喜伏於內欬嗽曲折不可得氣息喉啞失聲乾嗽無
唾喉中如哽

射干

貳兩

半夏

伍兩洗

杏仁

參兩去皮尖雙仁炒

生姜

肆兩炮

甘草

貳兩炙

紫苑

貳兩

肉桂

貳兩

枳實

貳兩炙

當歸

貳兩

橘皮

貳兩

獨活

貳兩

麻黃

貳兩去節湯泡焙碎

右剉如麻豆大每服五錢匕水一盞半煎至八分
去滓溫服

半夏桂枝甘草湯

五十三

治伏氣之病謂非時有暴寒

中人伏氣於少陰經始不覺病旬月乃發脉便微弱
法先咽痛似傷寒非咽痺之病次必下利始用半夏
桂枝甘草湯主之次四逆散主之此病只二日便差
古方謂之腎傷寒也

甘草 炙

半夏 湯洗

桂心

右等分剉如麻豆大每服四錢匕水一盞半煎至
七分放冷少少含細嚥之入生薑四片煎服

麻黃杏子薏苡甘草湯 五十四 病人一身盡疼發熱日

晡所劇者名風濕此病因傷於汗出當風或久傷取
冷所致之也

麻黃 去節秤湯
泡貳分

甘草 壹分炙

薏苡仁 半兩

杏仁 拾枚去皮尖炒

右剉如麻豆大每服四錢匕水一盞半煎至八分
去滓有微汗温服避風

防已黃耆湯 五十五 治風濕脉浮身重汗出惡風

防已 壹兩

甘草 半兩炙

白朮 叁分

黃耆 壹兩壹分去蘆

右剉如麻豆大每服抄五錢匕生姜四片大棗一
枚水一盞半煎至八分去滓温服良久再服喘者
加麻黃半兩胃中不和者加芍藥叁分氣上衝者

加桂枝參分下有陳寒者加細辛參分服後當如
虫行皮中從腰下如冰後坐被上又以一被繞腰
以下温令微汗差

杏仁湯五十大療風濕身體疼痛惡風微腫

桂心 貳兩

麻黃 壹兩去節湯泡焙

芍藥 壹兩

天門冬 壹兩去心

杏仁 貳拾伍枚去皮尖雙仁炒

右剉如麻豆大每服五錢匕生姜四片水一盞半
煎至八分去滓温服

小續命湯五十七治中風及脚氣痺弱不能轉側者又

兼治小兒慢驚風

附子 生削去皮防風 壹兩半

芍藥

白朮 人參

川芎

麻黃 去節湯泡防已

黃芩

桂枝 甘草 各壹兩

右剉如麻豆大每服五錢匕水一盞半煎至一盞
去滓取八分清汁入生姜汁再煎一二沸温服日
三夜二若柔痊自汗者去麻黃夏間及病有熱者
減桂枝一半冬及始春去黃芩

附木散五十八傷寒手足逆冷筋脉拘急汗出不止項

強直搖頭口噤

附子 壹兩炮

白朮 壹兩

川芎 叁錢

獨活 半兩

桂心 貳錢

右搗羅為末每服三錢水一中盞棗子二枚同煎至五分溫服

桂心白朮湯

(五十九)

治傷寒陰證手足厥冷筋脉拘急

汗出不止者

白朮

桂心

附子 炮去皮臍

防風 去芦頭

芎藭

甘草 炙微赤各壹兩伍錢

右剉如麻豆大以水二盞藥五錢生姜四片三

枚同煎至八分去滓溫服

附子防風散

(六十一)

治傷寒陰證閉目合面手足厥逆

筋脉拘急汗出不止者

白朮 壹兩

白茯苓 叁分

柴胡 壹兩半去苗

五味子 壹兩

乾姜 叁分炮裂

甘草 叁分炙微赤切

附子 叁分炮裂去皮臍

桂心 半兩

防風 叁分去蘆頭

右件藥搗篩粗散每服三錢以水一盞入生姜四片煎至六分去滓不計時候溫服

八物白朮散

(六十二)

治傷寒陰證三日不差手足厥冷

筋脉拘急汗不出恐陰氣內傷

白朮 半兩

白茯苓 半兩

麻黃 半兩去節
三沸焙

五味子 半兩

桂心 叁分

高良姜 壹分

羌活 半兩

附子 叁分炮裂去皮脂

右件藥搗篩粗散每服四錢以水一大盞入生姜

四片煎至五分去滓不計時候溫服

柴胡半夏湯

治痰熱頭疼利膈除煩悶手足煩

熱榮衛不調肢節拘倦身體疼痛嗜卧少力飲食無

味兼治五飲消痰癖

柴胡 捌兩

人參 叁兩

半夏 貳兩半洗

甘草 叁兩炙

黃芩 叁兩

白朮 貳兩

麥門冬 叁兩去心

右剉如麻豆大每服抄五錢匕水一盞半生姜五

片棗子一枚煎至八分去滓溫服

金沸草散

治傷寒中脘有痰令人壯熱頭痛項

筋緊急時發寒熱皆類傷風但不頭痛為異耳

前胡 叁兩

荆芥 肆兩

半夏 壹兩淨洗
姜汁浸

赤芍藥 貳兩

細辛 壹兩

甘草 壹兩炙

旋復花 叁兩

右件搗羅為末每服二錢水一盞生姜五片棗子

一枚同煎至六分去滓熱服未知再服

欬射芬 參兩

赤芍藥 有兩

略辛 壹兩

甘草 壹兩參

前貼 參兩

陳茶 肆兩

半夏 姜十錢 壹兩參

蒲葶息和參寒蟬昔酸射風野不阻氣為異耳

金燕草霜 丹其白射寒中氣有寒令人半燕煎蘇即

出棗子一林煎至八分去滓盛服

杏性吹麻豆大每服炒正益以水一盞半主姜正

麥門冬 參兩去心

增注類證活人書卷第十八

大半夏湯 六錢 治痰飲及脾胃不和

半夏不拘多少如法湯洗了薄切乾焙每遇膈

間有寒痰用半夏白茯苓生姜各一分細切水二

盞半煎至一盞濾去滓臨睡溫呷如有熱痰加炙

甘草一分如脾胃不和去甘草入陳橘皮一分同煎

越婢湯 六十五 治風痺脚弱

石膏 肆兩

附子 壹兩炮 去皮臍

白朮 貳兩

甘草 壹兩炙 微赤

麻黃 參兩去節 湯泡焙乾

右件剉如麻豆大每服四錢以水一盞半生姜三

片棗子一枚煎至八分去滓服

脾約丸 六十六 治老人津液少大便澁及脚氣有風大

便結燥者

大黃 貳兩酒浸焙乾 厚朴 刮去皮用姜汁炙 枳殼 麩炒去穰

白芍藥 已上各半兩 麻子仁 壹兩半微炒 杏仁 去皮尖麩炒三分

右為細末煉蜜和杵千下丸如梧桐子大每服二十丸溫水下不拘時候未知加五丸十丸止下利

服糜粥將理

治溫疫時氣有積食者 六十七

巴豆 新好者壹兩經搗去皮以急流水約二碗浸一宿然後煮三二十沸後冷漉出去

心膜以帛子拭去水然後研如膏用厚紙十數重裹以重物壓去油

五靈脂 貳分黑色者為上 杏仁 半兩燒過後研入藥研

大戟 半兩生用去皮裏面如粉白者為妙 荆三稜 半兩生用

豆豉 貳兩須粟新乾者為妙不得令曬乾與巴豆言同研勻細

右三味為極細末方始入巴豆豉研勻後入杏仁更研令勻細別入飛羅麵半匙以井花水調如

糊漸次拌藥搜和得所入臼中搗三二千下丸如

菴豆大曬乾入菴合內頻晒或微火焙亦得如遇傷寒有食積者脉沉結身體不熱即下之量患人

臟腑虛實加減丸數服用煎姜棗湯吞下取微利

按卷七第五
十二條黑神
圖疑此方

為度不可太過溘泄身熱下之則為痞氣結胃若病在上可吐者同生姜乾嚼三五丸

神功丸六十八治三焦氣壅心腹痞悶六腑風熱大便不通津液內枯大腸乾澀裡急後重或下鮮血痰唾稠粘風氣下流腰疼脚重臍下脹痛溺赤如金

大黃參兩

人參半兩

麻子仁五兩另研

訶子皮炮取貳兩

右杵研為細末煉蜜為丸如梧桐子大每服二十丸溫水下日三服以通為度產後大便秘者每服十丸米飲下

五柔丸六十九治老人虛人脚氣亡津液虛秘方調補三焦

大黃肆兩

前胡壹兩

半夏洗七次

茯苓酒浸

芍藥

茯苓去皮

細辛

當歸

葶藶炒各半兩

右搗羅為細末煉蜜為丸如梧桐子大溫水下二十丸以通利為度

天三腕散七十治三焦氣逆胃膈虛痞兩脇氣痛面手浮腫大便秘澀兼治脚氣

獨活壹兩

白木參分

甘草參分微炙

乾木瓜

切焙乾 秤壹兩

紫蘇

壹兩

大腹皮

壹兩炙

陳橘皮

參分

沉香

壹兩

木香

參分

川芎

參分

檳榔

參分

右十一味同一處杵為粗散每劑秤一兩水二盞同煎至一盞去滓分二服帶溫服取便利為効如能臨晚常進半劑依法煎服即腹臍調和風氣人多秘滯數宜服之未通利者依法煎服此藥極不虛人氣經驗多矣脚氣心腹氣悶大便秘滯者良

檳榔散

七十二

治脚腫

橘葉

壹大握

沙木

壹握

小便

小盞

酒 半盞同已上藥煎

右煎數沸調檳榔末二錢食後服

薏苡仁酒法

七十三

治脚痺

薏苡仁

牛膝

各貳兩

海桐皮

五加皮

獨活

防風

杜仲

姜汁炙已上各壹兩

白朮

半兩

枳殼

壹兩炒

生乾地黄

貳兩半

右剉為釐末以生絹袋內無灰酒五升浸春夏秋冬二七日夏月盛熱分作數劑逐旋浸酒每日空心溫服一盞或半盞日三四服常令酒氣醺醺不絕

久服覺皮膚下如數百條虫行卽風濕氣也

木瓜散 七十三 治脚氣

大腹皮 壹枚 紫蘇 壹分 乾木瓜 壹分

甘草 壹分炙 木香 壹分 羌活 壹分

右細剉為散分作三服每服用白水一盞煎至半盞去滓通口服

葱豉湯 七十四 治傷寒一二日頭項腰背痛惡寒脉緊

無汗者此湯主之

豆豉 二大合 葱白 十五莖

麻黃 四分去節 乾葛 八分

右件以水二升先煎麻黃六七沸掠去白沫乾葛

煎二十餘沸下豉煎取八大合去滓分二次溫服

如人行五六里服訖良久煮葱豉湯熱喫卽取汗

連鬚葱白湯 七十五 治傷寒已發汗或未汗頭疼如破

生姜 貳兩 連鬚葱白 可切半升

右以水二升煮一升去滓分作二三服服此湯不

差者服葛根葱白湯

葛根葱白湯 七十六 治頭疼不止

葛根 芍藥 知母 各半兩

葱白 一把 川芎 壹兩 生姜 壹兩

右劉如麻豆大水三升煎一升半去滓每服一湯盞

雄鼠屎湯 七十七 治勞復

梔子 拾肆枚 枳殼 三枚炒 雄鼠屎 二七枚

右為粗末每服四錢水一盞半入葱白二寸香豉

三十粒同煎一盞分作二服勿令病人知鼠屎

黃芩芍藥湯 七十八 治鼻衄

黃芩 叁分 芍藥 甘草 炙各半兩

右為粗末每服三錢水一盞煎至六分去滓溫服

酒蒸黃連丸 七十九 治暑毒伏深累取不差無藥可合

伏暑發渴者此方尤妙

黃連 肆兩以無灰好酒浸面上約一寸以重湯

右為羅為細末糊為丸如梧桐子大滾水下三五

十丸淨隔涼不渴為驗

茅花湯 八十 治鼻衄不止

茅花一大把水三盞煎濃汁一盞分作二服即

差如無花以根代之

枳實理中丸 八十一 治傷寒結胃欲絕心膈高起手不

得近者宜此治之

茯苓 貳兩 人參 貳兩 枳實 十六片

白朮 貳兩 乾姜 貳兩炮 甘草 貳兩炒

即仲景黃芩湯去大

右搗羅為細末煉蜜為丸如雞子黃大每服一丸
熱湯化下連進二三服胃中豁然渴者加栝樓根
二兩下利者加牡蠣二兩煨之

小半夏加茯苓湯八十三治諸嘔噦心下堅痞膈間有
水痰眩悸者

半夏伍兩湯浸洗七遍 白茯苓參兩去皮

右剉如麻豆大每服半兩水三盞煎至一盞秤半
姜四錢取自然汁投藥中更煎兩沸熱服不拘時
桔梗枳殼湯八十三治傷寒痞氣胃滿欲絕

桔梗枳殼 麩炒去穰各壹兩

右剉如麻豆大以水二盞煎至一盞去滓分二服

赤茯苓湯八十四治傷寒嘔噦心下滿胃膈間宿有停

水頭眩心悸

赤茯苓壹兩 芎藭半兩 半夏半兩湯洗七遍去滑

人參壹兩去 白朮半兩 陳橘皮壹兩湯浸去白穰焙

右件藥搗羅為粗末每服四錢水一盞半生姜五
片煎至七分去渣溫服不拘時候

香薷散八十五治陰陽不順清濁相干氣射中焦名為
霍亂此皆由飽食腥膾復啖乳酪海陸百品無所不
餐多飲寒漿眠卧冷席風冷之氣傷於脾胃諸食結

而不消陰陽二氣壅而不反陽氣欲降陰氣欲升陰陽交錯變成吐利不已百脉昏亂榮衛俱虛令搏於筋令轉筋宜服此方

厚朴

去皮貳兩

香薷

穗壹兩半

黃連

貳兩二味入生姜四兩同杵炒令紫色用

一方有白扁豆尤良

右搗為粗末每服三錢水一盞酒半盞同煎至七分去滓用新汲水頻頻浸極冷極冷頓服之藥冷則効速也仍煎服時不得犯鉄器慢火煎之兼治非時吐利霍亂腹中撮痛大渴煩躁四肢逆冷冷汗自出兩脚轉筋疼痛不可忍者須井中沉令極冷頓服之乃有神効

犀角地黄湯

八十六

治傷寒及溫病應發汗而不發汗

內有瘀血鼻衄吐血面黃大便黑此方主消化瘀血兼治瘡疹出得太盛以此解之

芍藥

參分

生地黄

半斤

牡丹皮

去心壹兩

犀角

壹兩屑如無以升麻代之

右剉如麻豆大每服五錢匕水一盞半煎取一盞有熱如狂者加黃芩二兩其人脉大來遲腹不滿自言滿者為無熱更不用黃芩也

黃連解毒湯

八十七

治時疾三日已汗解或因飲酒復

劇苦煩悶乾嘔口燥呻吟錯語不得卧

黃連 參分

黃蘗 半兩

黃芩 壹兩

梔子 肆枚劈

右剉如麻豆大每服五錢水一盞半煎取一湯盞去滓服未知再服進粥以此漸差外臺云凡大熱盛煩嘔呻吟錯語不得眠皆傳此方諸人用之亦効此直解熱毒除酷熱不必飲酒劇者。

酸棗湯 八十八 治傷寒吐下後心煩乏氣晝夜不眠

酸棗仁 肆升

甘草 壹兩炙

知母 貳兩

茯苓 參兩去皮

川芎 參兩

乾姜 參兩

麥門冬 壹升去心

右為粗末每服四錢水一盞煎至七分去滓溫服

梔子烏梅湯 八十九 治傷寒後虛煩不得眠心中懊憹

梔子 半兩

黃芩 半兩

甘草 半兩炙微赤

柴胡 壹兩

烏梅肉 拾肆枚微炒用

右為粗末每服四錢水一盞半生姜三片竹葉十四片豉五十粒煎至七分去滓溫服

橘皮乾姜湯 九十 治噦

橘皮

通草

乾姜 炮

桂心 各貳兩

人參 壹兩

甘草 炙貳兩

右劉如麻豆大每服四錢水一盞煎至六分去滓
溫服日進三服

羌活附子散(九十二) 治欬逆

羌活

附子炮

茴香微炒各半兩

木香

乾姜

炮各六兩許大

右為細末每服二錢水一盞鹽一捻同煎二十
沸帶熱服一服即止

半夏生姜湯(九十三) 治噦欲死

生姜

貳兩切

半夏洗一兩一分

右以水二盞煎至八分去粗分二服

黑膏(九十三)

療溫毒發斑

好鼓壹升

生地黃半斤切

右二味以猪膏二觔合露之前令三分減一絞去
滓用雄黃射香如大豆者內中攪和盡服之毒便
從皮中出則愈忌蕪荑

葛根橘皮湯(九十四)

療冬溫未即病至春被積寒所折

不得發至夏得熱其寒解冬溫始發肌中斑爛癰疹
如錦紋而欬心悶但嘔吐青汁服此湯即靜

葛根

橘皮

杏仁

去皮尖研

知母

黃芩

麻黃

去節湯泡

甘草 炙各半兩

右剉如麻豆大每服五錢以水一大盞半煎至一中盞去滓溫服

玄參升麻湯九十五 治傷寒發汗吐下後毒氣不散表

虛裏實熱發於外故身班如錦紋甚則煩躁譫語兼治喉閉腫痛

玄參 升麻 甘草 炙各半兩

右剉如麻豆大每服抄五錢匕以水一盞半煎至七分去滓服

大青四物湯九十六 治傷寒熱病十日已上發汗及吐

利後熱不除身上班出者

大青 肆兩 豆豉 捌合

阿膠 壹兩炙 甘草 壹兩炙

右剉如麻豆大每服抄五錢匕以水一盞半煎至一盞旋入膠再煎令烊

知母桂心湯九十七 治傷寒後不差朝夕有熱如瘧狀

知母 壹兩 麻黃 壹兩去節 甘草 壹兩炙

芍藥 壹兩 黃芩 壹兩 桂心 壹兩

右剉如麻豆大每服四錢水一盞半生姜四片煎一盞去滓取八分清汁溫熱服日三溫覆令微汗

若心煩不眠其人欲飲不當稍與之令胃中和則愈

三黃丸〔五十八〕治吐血黃疸

黃連叁兩 大黃壹兩 黃芩貳兩

右搗羅為細末煉蜜為丸如梧桐子大每服十五

丸滾白湯送下

桔梗半夏湯〔五十九〕治傷寒冷熱不和心腹痞滿時發

疼痛順陰陽消痞滿

桔梗壹兩微炒細切 半夏壹兩姜汁製

枳實半兩麩炒赤用 陳橘皮湯浸去穢焙乾已上各壹兩

為末每服四錢水一鍾姜三片煎七分去滓熱服

三黃熟艾湯〔六十〕治傷寒四五日而大下熱利時

白通湯諸藥多不得止宜服此湯除熱止利

黃芩 黃連

黃蘗叁分 熟艾半雞子大

右剉如麻豆大以水二大盞煎至七分去滓溫服

薤白湯〔六十一〕傷寒下利如爛肉汁赤滯下伏氣腹痛

諸熱毒悉皆治之

豉半斤綿裹 薤白壹把 梔子七枚大者破之

右剉如麻豆大以水二升半先煎梔子十沸下薤

白煎至二升許下豉煎取一升二合去滓每服一湯盞

百子官局
桔梗湯同

赤石脂丸 百三 傷寒熱利

黃連

當歸 各貳兩

赤石脂

乾姜 炮各壹兩

右鵝羅為末煉蜜為丸如梧桐子大每服三十九米飲吞下日三服進之

地榆散 百三 治傷寒熱毒不解日晚即壯熱腹痛便

痢膿血並宜治之

地榆 壹兩切

犀角屑 壹兩

黃連 壹兩去須微炒

茜根 壹兩

黃芩 壹兩

梔子仁 半兩

右件藥搗為粗末每服四錢以水一盞入蘘自五

寸煎至六分去滓不計時候溫服

黃連阿膠湯 百四 治傷寒熱毒入胃下利膿血

梔子仁 半兩

黃蘗 壹兩微炙切

黃連 貳兩去鬚微炒

阿膠 壹兩切碎炒令黃

右件藥搗為粗末每服四錢用水一盞煎至七分去滓不拘時候溫服

桃仁湯 百五 治蠶女力切蟲食病

槐子 碎壹兩

艾葉 壹兩

大棗 拾伍枚去核

桃仁 壹兩去皮尖雙仁炒

右以水二大盞半煎至一盞半分三服

黃連犀角湯 百七 治傷寒及諸病之後內有瘡出下部者

黃連 半兩

烏梅 七箇

木香 壹分

犀角 壹兩如無以升麻代用之

右以水二大盞半煎至一盞半分

雄黃鉉散 百七 治下部匿瘡

雄黃 研

青相子

苦參

黃連

桃仁

去皮尖研一分

右為散以生艾搗汁和如棗子核大綿裹內下部扁竹汁更佳冬間無艾只用散綿裹內下部亦得

百合知母湯 百八 治百合病發汗後者

百合 七枚

知母 三兩切

右先以水洗百合漬一宿當白沫出去其水更以泉水二升煎取一升去滓別以泉水二升煎知母

每取一升去滓後合和煎取一升五合分溫再服

滑石代赭湯 百九 治百合病下之後者

百合 七枚劈

滑石 三分碎

代赭 如彈丸大一枚綿裹

右先以水洗百合漬一宿當白沫出去其水更以泉水二升煎取一升去滓別以泉水二升煎滑石

代赭取一升去滓後合和重煎取一升五合分溫服

雞子湯 百十 治百合病吐之後

百合 七枚 擘

雞子黃 十枚

右先以水洗百合漬一宿當白沫出去其水更以泉水二升煎升去滓內雞子黃攪勻煎五分溫服

百合洗方 〔百七〕 治百合病一月不解變成渴者右以百合一升以水一斗漬之一宿以洗身洗已食煮餅勿以鹽豉也

百合地黄湯 〔百七〕 治百合病不經吐下發汗病形如初
百合 七枚 擘 生地黄 汁一升

右以水洗百合漬一宿當白沫出去其水更以泉水二升煎取一升去滓內地黃汁煎取一升

分溫再服中病勿更服大便當如漆

栝樓牡蠣散 〔百七〕 治百合病渴不差

栝樓根 牡蠣 熬等分

右搗羅為散飲服方寸七日進三服

滑石散 〔百七〕 治百合病變發寒熱

百合 壹兩 炙 滑石 三兩

右杵羅為散飲服方寸七日進三服當微利者止勿服之寒熱則除

治中湯 〔百七〕 治脾胃傷冷物胃膈不快腹疼氣不和

人參 乾姜 炮 白朮

甘草 炙

陳橘皮

湯洗

青橘皮

右各等分為細末每服三錢水一中盞煎數沸熱服尋常入鹽點之

陽旦湯 百六 治中風傷寒脉浮發熱往來汗出惡風項強鼻鳴乾嘔

桂心

芍藥

已上各三兩

甘草

黃芩

各二兩

右剉如麻豆大每服五錢水一盞半棗子一枚生姜三片煎至一盞取八分清汁溫服自汗者去桂心加附子一枚炮渴者去桂心加栝樓三兩利者

去芍藥桂加乾薑三兩心下悸者去芍藥加茯苓四兩虛勞裡急者正陽旦湯主之煎時入膠飴為佳若脉浮緊無汗發熱者不可與也

白虎加蒼朮湯 百十七

治濕溫多汗

知母 六兩

甘草 炙 二兩

石膏 壹斤

蒼朮 三兩

粳米 三兩

右剉如麻豆大每服五錢水一盞半煎至八九分去滓取六分清汁溫服

七味葱白湯 百十八

許仁則治傷寒或因起動勞復或因喫食稍多皆成此候若復甚者一如傷寒初有此

症宜服此湯

乾葛 切三合

新豉 半合 綿裹

葱白 連鬚者 切半升

生姜 切一合

麥門冬 去心

乾地黄 三兩

勞水 四升以杓洋之一千過名曰勞水

右七味用勞水煎之三分減去滓分二服漸漸服取汗

增損四順湯 百十五 治少陰下利手足冷無熱候者

甘草 二兩炙

人參 二兩

龍骨 二兩

黃連

乾姜 炙一兩

附子 一枚炮 去皮臍

為細末每服三錢水一盞煎七分日二服不差復作甚良若下利腹痛加當歸二兩嘔者加橘皮一兩

化班湯 百十一

人參 半兩

石膏 半兩

萎蕤

知母

甘草 各壹分

右劉如麻豆大每服抄五錢匕水一盞半入糯米一合煎至八分取米熟為度去滓溫服

九十九桔梗 半夏湯同
官局桔梗湯 百十二 治乾嘔

桔梗

半夏

陳橘皮 各壹兩

枳實 半兩

為粗末每服三錢水一盞生姜五片煎七分服之

麻黃加朮湯 百十三 治中濕

麻黃 壹兩半去節湯泡 甘草 半兩炙 桂枝 壹兩去皮

蒼朮 半兩 杏仁 三十五枚去皮尖

右剉麻豆大每服五錢水一盞半煎八分溫服

竹皮大丸 治虛煩

生竹茹 二分 石膏 三分 桂心 一分

甘草 三分炙 白薇 一分

右為細末棗肉丸彈子大米飲服一丸日三夜一

有熱者倍白薇煩喘者加枳實一分

古今錄驗 橘皮湯 療春冬傷寒秋夏冷濕欬嗽

喉中鳴聲上氣不得下頭痛方

陳橘皮 紫苑 麻黃 去節湯泡

杏仁 去皮尖 當歸 桂心

甘草 炙 黃芩 各半兩

右剉如麻豆大每服抄五錢匕用水一盞半煎至

一盞去滓服

黃連橘皮湯 治溫毒發斑

黃連 肆兩去毛 陳橘皮 去白 杏仁 去皮尖

枳實 炙 麻黃 去節湯泡 葛根 各貳兩

厚朴 姜汁製 甘草 各壹兩炙

右剉如麻豆大每服抄五錢匕用水一小盞半煎

至一盞去滓服下利當先止

麥門冬湯

百子大

治勞氣欲絕

麥門冬

壹兩去心

甘草

炙二兩

右剉如麻豆大先用水二小盞入粳米半合煎令米熟去米約得水一小盞半入藥五錢棗二枚竹葉十五片同煎至一盞去滓溫服不能服者綿滴口中

秣陵吳鳴鳳重校

增注類證活人書卷第十八

增注類證活人書卷第十九

此一卷論婦人傷寒古人治病先論其所主男子調其氣婦人調其血血室不畜則二氣和諧血室凝結水火相刑傷寒氣口緊盛即宜下人迎緊盛即宜汗婦人左關浮緊不可下當發其汗以救其血室榮衛得和津液自通浹然汗出而解仲景云婦人傷寒經水適斷晝日明了暮則讖語如見鬼狀比為熱入血室無犯胃氣及上二焦無犯胃氣者言不可下也小柴胡湯主之若行湯遲則熱入胃冷津燥中焦上焦不榮成血結胃狀須當針期

門也五行相尅以生相扶以出平居之日水常養於木水木相生則榮養血室血室不畜脾無蘊積脾無蘊積則剛燥不生剛燥既生若犯胃氣則晝夜讖語喜忘小腹滿小便利屬抵當湯證也傷寒實譎語宜下之婦人熱入血室譎語者不可下耳實雖然婦人傷寒與男子治法不同男子先調氣婦人先調血此大畧之詞耳要之脉緊無汗名傷寒脉緩有汗為傷風熱病脉洪大中暑脉細弱其證一也假如中暈用白虎胃實用承氣豈必調血而後行湯耶仲景傷寒論所以不分婦人良亦以此學者皆可隨病於男子藥

證中以意選用也

若妊婦傷寒藥性須涼慎不可行桂枝半夏桃仁等藥小柴胡

去半夏名黃龍湯蓋為妊婦而去也大抵產前安胎產後先補益次服傷寒藥若病稍退則止藥不可盡劑此為大法黃帝問婦人重身毒之何如岐伯曰有故無殞亦無殞也大積大聚其可犯也衰其大半而止過者死

婦人傷寒藥方

男子婦人傷寒仲景治法別無異議比見民間有婦人傷寒方書稱仲景所撰而王叔和為之序以法考之間有可取疑非古方也特假聖人之名以信其說於天下今取金匱玉函治婦人傷寒與俗方中可採者列為一卷雖不足以盡婦人傷寒之

詳並可於百問中參用也

婦人傷寒發熱經水適來晝日明了暮則譫語如見鬼狀者此為熱入血室無犯胃氣及上二焦宜小柴胡湯方見第十卷中

婦人傷風七八日續得寒熱發作有時經水適斷此為熱入血室其血必結故使如瘧狀宜以小柴胡湯服之方見第十卷中

婦人傷寒發熱惡寒經水適來得七八日熱除脉遲身涼和胃脇下滿如結胸狀譫語者此為熱入血室也當刺期門隨其實而取之期門穴見第二卷中

婦人傷寒六七日胃中有燥屎大便難煩躁譫語日赤毒氣閉塞不得流通宜瀉心三黃湯

蜀大黃

鼠尾黃芩

雞爪黃連

各等分

右搗為粗末每服四錢水一盞煎八分去滓服取微利如目赤睛疼加白茯苓嫩竹葉瀉肝餘之氣婦人傷寒發熱惡寒四支拘急口燥舌乾經脉凝滯不得往來宜桂枝紅花湯

桂心

芍藥

甘草

炙各三兩

紅花

二兩

右剉如麻豆大每服抄五錢匕以水一盞半生姜

四片棗二枚煎至七分去渣服良久再服汗出而解
黃芩芍藥湯治婦人傷寒口燥咽乾腹滿不思飲食

黃芩

白芍藥

白朮

乾地黄

各一兩

右剉如麻豆大每服抄五錢匕以水一盞煎至七分去滓溫服寒則加生姜同煎服

柴胡當歸湯婦人傷寒喘急煩躁或戰而作寒陰陽俱虛不可下

柴胡

白朮

人參

甘草

當歸

赤芍藥

三兩

二兩

炙

五味子

木通

各半兩

右剉如麻豆大每服抄五錢匕以水一盞半生姜四片棗子二枚煎至七分去滓溫服

乾地黄湯婦人傷寒差後猶有餘熱不去謂之遺熱

乾地黄

大黃

黃連

黃芩

柴胡

白芍藥

甘草

各一兩半炙

右搗為粗末每服抄四錢匕以水一盞半煎至七分去滓溫服取溘利汗出解

燒裨散婦人傷寒未平復因交合裏急腰膝連腹內

痛名曰陰陽易

男子棍襠燒灰

右一味以水和服方寸匕男子用婦人棍燒灰小便利陰頭腫即愈

青竹茹湯婦人病未平復因有所動致熱氣上衝曾手足拘急搐搦如中風狀

括樓根

無黃根者二兩

青竹茹

刮半升淡竹者

右以水二升半煎取一升一合去滓作二三次服

當歸白木湯婦人未平復因有所動小腹急痛瘵四肢不任舉動無力執發者

白朮

壹分

當歸

壹分

桂枝

壹分去皮

附子

壹分生去皮八片

生姜

半兩

甘草

壹分炙

芍藥

壹分

人參

壹分

黃耆

壹分

右剉如麻豆大以水三升煎取一升半去滓通口服一湯羹食頃再服溫覆微汗差

妊婦傷寒藥方

妊婦傷寒仲景無治法用藥宜有禁忌不可與尋常婦人一槩治之也

加減四物湯妊婦產前腹痛發治月事或多或少或前或後胎氣不安產後血塊不散或亡血過多或惡

露不下宜此服之

當歸 切焙

川芎

熟乾地黄

白芍藥 各壹兩

右搗為粗末每服四錢水一盞半煎至八分取六
分清汁帶熱服日二三以知為度若姙孕下血卽
入艾五七葉阿膠末一錢匕同煎服如前法疾勢
甚大散藥不支以四味各半兩細剉以水四盞煎
至二盞半去滓分四服熱喫食前服一日之中令
盡以和為度平常產乳服至三臘止如虛弱血臟
不調至一月止因虛致熱熱與血搏口舌乾渴欲

飲水加栝樓一兩麥門冬三分腹中刺痛惡物不
下加當歸芍藥各一分血崩加地黄蒲黃各一兩
因熱生風加川芎一分柴胡半兩身熱脉躁頭昏
項強加柴胡黃芩各半兩秘澁加大黃半兩桃仁
一分炒滑瀉加桂附各一分發寒熱加乾姜牡丹
皮芍藥各一分嘔加白朮人參各半兩腹脹加厚
朴枳實各一分虛煩不得眠加竹葉人參各一分
躁大渴加知母石膏各半兩水停心下微此逆加
猪苓茯苓防已各一分虛寒狀類傷寒加人參柴
胡防風各三分

阿膠散 妊婦傷寒安胎

阿膠炒

桑寄生

吳白朮

人參

白茯苓

各等分

右為細末煎糯米飲調下二錢匕日進二服愈

白朮散 妊婦傷寒安胎

白朮

黃芩

各等分新瓦上並同炒香

右搗羅為末每服三錢匕水一中盞生姜三片大

棗一枚拍破同煎至七分溫服但覺頭疼發熱便

可服三二服即差唯四支厥冷陰證見者未可服

葱白湯 妊婦傷寒憎寒發熱當發其汗

葱白

拾莖

生薑貳兩切

右剉如麻豆大以水二盞煎至一盞連服取

蘇木湯 妊婦傷寒或中時行洒淅作寒振慄而悸或加嘔

赤芍藥

陳橘皮

黃芩

宣黃連

甘草

炙

蘇木

各一兩

右為粗末每服抄五錢匕以水一盞半煎至八分

去滓溫服汗出差若胎不安兼服阿膠散

黃龍湯 妊婦寒熱頭疼嘔噦不欲飲食脇下痛嘔逆

痰氣及產後傷風熱入胞宮寒熱如瘧并經水適來

適斷病後勞復餘熱不解

柴胡 壹兩

黃芩

人參

甘草 炙各壹分半

右剉如麻豆大每服五錢水一盞半煎一盞去滓溫服
柴胡石膏湯 妊婦傷暑頭痛惡寒身熱躁悶四支疼
痛背項拘急唇口乾燥

柴胡 肆兩

甘草 貳兩

石膏 捌兩

右為粗末每服三錢水一盞生姜五片煎至六分
去滓溫服不拘時若氣虛體冷者加人參四兩
枳實散 妊婦傷寒四日至六日已來加心腹脹上氣
渴不止食飲不多腰疼體重者

枳實 壹兩炒

麥門冬 半兩

陳橘皮 叁分

右粗末每服三錢以水一中盞入生姜半分葱白
七寸煎至六分去滓溫服

旋覆花湯 妊婦傷寒頭目旋疼壯熱心躁

旋覆花 半兩

白朮 叁分

前胡 壹兩去芦

黃芩 叁分

人參 叁分

麻黃 叁分去根

赤芍藥 半兩

石膏 壹兩

甘草 半兩炙

右搗為粗末每服四錢用水一盞半入生姜半分
煎至六分去粗服

麥門冬湯 妊婦傷寒壯熱嘔逆頭疼不思飲食胎氣

不安者宜此主之

人參 壹兩

石膏 壹兩

前胡 叁分

黃芩 叁分

葛根 半兩

麥門冬 半兩 去心

右剉如麻豆大每服五錢水一盞半入生姜四片

棗子二枚淡竹茹一分煎至八分去滓溫服

梔子大青湯治妊婦發斑變為黑色

升麻

梔子仁 各貳兩 大青

杏仁 去皮尖

黃芩 各壹兩半

右剉如麻豆大每服五錢匕以水一盞半細切葱

白一寸煎至一盞去滓溫服

蘆根湯千金治妊婦頭痛壯熱心煩嘔吐不下食

知母 肆兩

青竹茹 叁兩

右剉如麻豆大每服五錢水一盞半入生蘆根

一握粳米一撮煎至一盞去粗服盡更作差止

塗臍法治妊婦遭時疾令子不落

取竈中黃土水和塗乾復塗之一方酒和塗方五

寸又消清和塗之並佳

葱白豉湯治妊婦熱病

葱白 貳兩半

豉 半升

右以水三升煎取一升分二服取汗

葱白一物湯

葱白一把水一升煮令熟服之取汗食令盡亦主安胎若胎已死者須臾即胎出也

伏龍肝散

用伏龍肝雞子許水調服之

伏龍肝即竈下黃土是也

葛根一物飲治熱煩悶

葛根汁每服一小盞如人行五里進一服無主葛用乾葛咬咀煎濃汁服

梔子五物湯廣濟療妊娠傷寒頭痛壯熱

梔子

前胡

知母 各貳兩

黃芩

壹兩

白石膏

肆兩

右剉如麻豆大每服抄五錢匕用水一小盞半煎至一盞去滓服

前胡七物湯治妊娠傷寒頭痛支節痛壯熱

前胡

知母

梔子仁

各貳兩

石膏

肆兩

大青

黃芩

各壹兩半

右剉如麻豆大每服五錢匕水一盞半入葱白三莖煎至一盞去滓溫服

升麻六物湯急救療妊娠七月傷寒壯熱赤斑變黑瀉血

升麻

梔子仁

各貳兩

大青

即前梔子青湯

杏仁 去皮尖 黃芩 各壹兩半

右劉如麻豆大每服五錢水一盞半入葱白三莖煎至一盞去滓溫服

產後藥左

陽旦湯治婦人產後傷風十數日不解頭微痛惡寒

時時有熱心下堅乾嘔汗出宜用陽旦湯 方見第十卷中

療婦人產後血虛多汗喜中風身體強直口噤背反

強作瘕治之 法見第六卷第十卷中

又方用荆芥末三錢溫酒調下不過再服

治婦人產後亡津液大便多秘或謔言煩躁不可用

湯液宜神功丸用 不湯吞下

桂心牡蠣湯治婦人產後頭疼身熱發熱兼治腹內拘急疼痛

桂心 三兩 牡蠣 煨 白芍藥

乾地黄 各五兩 黃芩 二兩

右劉如麻豆大每服抄五錢匕以水一盞半煎至一盞去滓溫服

蜀漆湯治婦人產後寒熱往來心胃煩滿骨節疼痛及頭疼壯熱日晡加甚又如瘧狀

蜀漆葉 二兩 黃芩 五兩 桂心

甘草 炙 黃芩 各一兩 知母

芍藥

各二兩

生地黃

壹斤

右剉如麻豆大每服抄五錢匕用水一盞半煎至一盞去滓溫服

增損柴胡湯婦人產後虛羸發寒熱飲食少腹脹等疾

柴胡

參錢

人參

甘草

炙

半夏

湯泡

白芍藥

陳橘皮

川芎

各參分

右剉如麻豆大每服抄五錢匕以水一大盞生姜三片棗子一枚煎至七分去滓食後溫服日三服竹葉防風湯婦人產後傷風發熱面赤喘而頭疼者

竹葉

半把

葛根

壹兩半

防風

桔梗

桂枝

去皮

人參

甘草

炙各半兩

右為粗末每服四錢水一盞半生姜三片棗子一枚煎至八分去滓溫服使汗出頸項強用附子炮去皮臍剉如豆大抄一大錢同煎嘔加半夏一錢三物黃芩湯治婦人草薺中傷風四支苦煩熱頭疼與小柴胡湯頭不疼但煩宜用此服之

黃芩

半兩

苦參

壹兩

乾地黃

貳兩

右剉如麻豆大每服四錢水一盞半煎八分服之

治婦人產後亡血汗多故令鬱冒其脉微弱不能食大便反堅但頭汗出所以然者血虛而厥厥而必冒冒家欲解必大汗出以血虛下厥孤陽上出故但頭汗出所以產婦喜汗出者亡陰血虛陽氣獨盛故當汗出陰陽乃復所以便堅者嘔不能食也宜小柴胡湯主之

乾薑柴胡湯治婦人傷寒經脉方來初斷寒熱如瘧狂言見鬼者

柴胡 肆兩去蘆 枳椇根 貳兩 桂枝 壹兩半
牡蠣 壹兩熬 乾姜 壹兩炮 甘草 炙壹兩

右剉如麻豆大每服五錢水一盞煮至七分去滓溫服初服微煩再服汗出而愈法一服但小

海蛤散治婦人傷寒血結胃膈燥而痛不可撫近人

血結胃法當刺期門仲景無藥方治法此方疑非仲景然其言須有理姑存焉

海蛤 各壹兩炙 滑石 肆兩 芒硝 半兩

右搗羅為散每服二錢雞子清調下小腸通利則胃膈血散臏中血聚則小腸壅小腸既壅臏中血不流行宜此方小便利血數行宜桂枝紅花湯發其汗則愈

曾謂血滯中血聚傾小期墜小期墜中血
六計羅為端母期二途獲于散臨不小期墜傾

甘草

各壹兩

芍藥

半兩

黃芩

散

此藥非中其言能散其毒
血去當速服門中景無藥大

此藥非中其言能散其毒
血去當速服門中景無藥大

此藥非中其言能散其毒
血去當速服門中景無藥大

增注類證活人書卷第二十一

此一卷論小兒傷寒小兒大人治法一般但小兒

劑藥性差涼耳尋常風壅發熱鼻涕痰嗽煩渴惺

惺散主之咽喉不利痰實咳嗽鼠粘子湯主之頭

額身體溫熱大便黃赤腹中有熱四順散連翹飲

三黃丸主之頭額身體溫熱大便白而酸臭者胃

中有食積雙丸主之小兒無異疾唯飲食過度不

能自節心腹脹滿身熱頭痛此雙丸悉治之小兒

身體潮熱頭目碎痛心神煩躁小便赤大便秘此

熱劇也洗心散調胃承氣湯主之頭疼發熱而假

人惡寒者此傷寒證也升麻湯主之無汗者麻黃
 黃芩湯有汗者升麻黃芩湯皆要藥也小兒尋常
 不可過當服涼藥胃冷虫動其證與驚相類醫人
 不能辨往往復進驚藥如腦射之類遂發吐胃虛
 而成慢驚者多矣小兒須有熱證方可踈轉仍慎
 用九子藥利之當以大黃川芎等咬咀作湯液以
 蕩滌蘊熱蓋九子巴豆乃攻食積耳

洗心散 治遍身壯熱頭目碎痛背膊拘急大熱衝
 上口苦唇焦夜卧舌乾咽喉腫痛涕唾稠粘痰壅喫
 食不進心神躁熱眼澁睛疼傷寒鼻塞四支沉重語

聲不出百骨節痛大小便不利麩豆瘡時行溫疹
 語多渴及小兒天吊風夜驚並宜服之

當歸 肆兩炒 芍藥 肆兩生用 甘草 肆兩炙

荆芥 肆兩 白朮 壹兩炒 麻黃 肆兩去節炒

大黃 肆兩以米泔水浸壹炊間漉出令乾慢炒

右搗羅為細末每服抄二錢水一盞入姜一片薄
 荷二葉同煎至八分放溫和滓服了仰卧仍去枕
 少時如五臟壅實煎四五錢匕若要漉轉則執服
 惺惺散治小兒風熱及傷寒時氣瘡疥發熱

桔梗 細辛 人參

白朮

括樓根

甘草炙

白茯苓

川芎各等分

右搗羅為末每服二錢用水一盞生姜二片薄荷二葉同煎七分服三歲已下作四五服五歲已上分二服凡小兒發熱不問傷風風熱先與此散數服往往輒愈

四順散解大人小兒膈熱退壅盛涼心經

大黃蒸

甘草炙

當歸洗

芍藥

右各等分為細末每服二錢以水一盞薄荷二葉

煎至七分溫服小兒量歲數與之

麻黃黃芩湯小兒傷寒無汗頭疼發熱惡寒

麻黃

去節壹兩

黃芩

赤芍藥

各半兩

甘草

炙

桂枝

去皮各壹分

右搗羅為細末每服二錢滾水調下日三服兼治天行熱氣生疏豆瘡不快益煩躁昏潰或出尚身疼熱者

升麻黃芩湯治小兒傷風有汗頭疼發熱惡寒

升麻

葛根

黃芩

芍藥

各叁錢

甘草

壹錢半炙

右劉如麻豆大每服二錢以水一中盞煎至六分去滓溫服若時行瘡豆出不快煩躁不眠者加木香一錢五分

甘露飲子治胃中客熱口臭不思飲食或饑煩不欲食齒齦腫疼膿血舌口咽中有瘡赤眼目臉重不欲開瘡疹已發未發並宜服

熟乾地黄

生乾地黄

天門冬

麥門冬

並去心焙

枇杷葉

去毛

枳殼

炒去穰

黃芩

石斛

去苗

山茵陳

甘草

炙各等分

右為細末每服二錢水一盞煎至六分去滓溫服食後臨卧

雙丸治小兒身熱頭痛飲食不消腹脹滿或心腹疼痛大小便不利或下重數起未差可再服小兒蒸候哺食減少氣息不快夜啼不眠是腹內不調並宜用此丸下之

甘遂 半兩

朱砂

壹錢另研

麥門冬

貳兩半去心

麩核

去仁另研肆兩半

牡蠣

貳兩煨

甘草

壹兩壹分炙

巴豆

陸拾枚去皮心膜研新布絞去油日中晒之白如霜者

右麥門冬甘草甘遂牡蠣四味為細末入巴豆朱

砂糖仁合和搗二千杵更入少蜜搗和極熟旋丸
半歲兒服如荏子大一雙一歲兒服如半麻子大
分為一雙服如二歲麻子大一枚分一雙三四歲
者服如麻子大二丸五六歲者服如大麻子大二
丸七八歲者如小豆大二丸十歲微大於小豆二
丸常以雞鳴時服如至日出時不下者熱粥飲服
數合投之即下藥丸皆雙出也下利甚者濃煎冷
粥飲之便止

石膏麻桂湯治小兒傷寒未發熱咳嗽頭面赤

麻黃

壹兩六節湯泡

甘草

半兩炙

石膏

半兩

芍藥

半兩

桂心

壹分

黃芩

壹兩

杏仁

拾枚去皮尖

右七味為散每服二錢水一中盞入生姜二片煎
半盞去滓服兒若甚小以意增減之

連翹飲治小兒一切熱

連翹

防風

甘草

山梔子

各等分

右件搗羅為末每服二錢水一中煎七分溫服
麥門冬湯治少小未滿百日傷寒鼻衄身熱嘔逆

麥門冬

叁分去心

石膏

寒水石

甘草 各半兩 桂心 參錢半

右剉如麻豆大每服三錢水一盞煎七分溫服

十物升麻湯治小兒傷寒變熱毒病身熱面赤口燥心腹堅急大小便不利或口瘡或因壯熱便四支攣掣驚仍作癇疾時發時醒醒後身熱如火者

升麻 白薇 麻黃 去根節

萎蕤 柴胡 甘草 各半兩

黃芩 壹兩 朴消 大黃

鈎藤 各壹分

右剉如麻豆大每服三錢水一盞煎至七分去滓

下硝再煎化溫服

六物黃芩湯治少小腹大短氣熱有進退食不安穀為之不化

黃芩 大青 甘草 炙

麥門冬 石膏 各半兩 桂心 參錢

右剉如麻豆大每服三錢水一盞煎七分溫服

五物人參飲治小兒天行壯熱欬嗽心腹脹滿

人參 甘草 各半兩

麥門冬 壹兩去心 生地黃 壹兩半如無只用生乾地半兩

右剉如麻豆大每服三錢水一盞入茅根半握煎

甘草 各半兩 桂心 參錢半

右剉如麻豆大每服三錢水一盞煎七分溫服

十物升麻湯治小兒傷寒變熱毒病身熱面赤口燥心腹堅急大小便不利或口瘡或因壯熱便四支攣掣驚仍作癇疾時發時醒醒後身熱如火者

升麻 白薇 麻黃 去根節

萎蕤 柴胡 甘草 各半兩

黃芩 壹兩 朴消 大黃

鈎藤 各壹分

右剉如麻豆大每服三錢水一盞煎至七分去滓

下硝再煎化溫服

六物黃芩湯治少小腹大短氣熱有進退食不安穀為之不化

黃芩 大青 甘草 炙

麥門冬 石膏 各半兩 桂心 參錢

右剉如麻豆大每服三錢水一盞煎七分溫服

五物人參飲治小兒天行壯熱欬嗽心腹脹滿

人參 甘草 各半兩

麥門冬 壹兩去心 生地黄 壹兩半如無只用生乾地半兩

右剉如麻豆大每服三錢水一盞入茅根半握煎

一至七分去滓溫服

治小兒八物麥門冬飲

麥門冬

各兩 去心

甘草

炙

人參

各壹分

紫苑

升麻

各貳兩

貝母

壹分半

右剉如麻豆大每服三錢水一盞入茅根半握煎至七分去滓再入竹瀝少許重煎服

棗葉飲治小兒天行五日以後熱不歇者

棗葉

半握

麻黃

半兩去根節

豉

壹合

葱白

切壹合

右付共童子小便二盞煎至一盞去滓分二服

增注類證活人書卷第二十

增注類證活人書卷第二十一

此一卷論小兒瘡疹瘡疹與傷寒相類頭疼身熱足冷脉數疑似之間只與升麻湯綠升麻湯解肌兼治瘡子已發未發皆可服但不可踈轉此為大戒傷寒身熱固不可下瘡疹發熱在表尤不可轉世人小學乃云初覺以藥利之宣其毒也誤矣又云瘡豆已出不可踈轉出得已定或膿血大盛却用踈利亦非也大抵瘡疹首尾皆不可下小兒身熱耳冷尻冷咳嗽輒用利藥即毒氣入裏殺人但與化毒湯紫草木通湯鼠粘子湯出得大盛即用

犀角地黄湯解之若瘡豆出不快煩躁不得眠者

水解散麻黃黃芩湯升麻黃芩湯活血散主之黑

瘡倒厭猪尾膏無比散龍腦膏子無不驗也若熱

毒攻咽喉痛如聖湯瘡豆入眼決明散撥雲散蜜

蒙花散通聖散蛤粉散主之治瘡疹法無出此矣

升麻湯治傷寒中風頭痛增寒壯熱支體痛發熱畏

寒鼻乾不得睡兼治小兒大人瘡疹已發未發皆可

服兼治寒暄不時人多疾疫乍暖脫着及暴熱之次

忽變陰寒身體疼痛頭重如石本方四味見雜方第

犀角地黄湯治傷寒及溫病應發汗而不發汗內有

瘀血者及鼻衄吐血不盡內有餘瘀血面黃大便黑

者此方主消化瘀血兼治瘡疹出得太盛以此方解

之本方四味方在雜方第十八卷中

麻黃黃芩湯治小兒天行熱氣生豌豆瘡不快益煩

躁昏憤或出尚身疼熱者本方五味在小兒方第二

升麻黃芩湯治小兒時行瘡豆出不快煩躁不眠加

木香壹錢伍分本方伍味在小兒方第二十卷中

化毒湯治小兒瘡豆已出未出並皆服之

紫草嫩者 升麻 甘草炙各半兩

右剉如麻豆大以水二盞糯米五十粒煎至一盞

去滓溫服

此系草木通湯治小兒瘡疹

紫草 去蘆

木通

人參

茯苓 去皮

糯米 各等分

甘草 半之

右剉如麻豆大每服四錢匕以水一盞半煎至一

盞去滓溫服

鼠粘子湯治疹豆欲出未能得透皮膚熱氣攻咽喉
眼赤心煩者

鼠粘子 肆兩炒香

甘草 青兩炙

防風 半兩

荆芥穗 貳兩

右搗羅為末每服二錢沸湯點服食後臨卧逐日

三服大利咽膈化痰涎止嗽若春冬間常服免生

瘡癬老幼皆宜服

水解散治天行頭痛壯熱一二日兼治泡瘡未出煩
躁或出尚身體發熱

大黃

黃芩

桂心

甘草 炙

芍藥 各貳兩

麻黃 肆兩去節湯泡焙研

右搗羅為末患者以生熟湯浴訖以煖水調下二

錢相次二服得汗利便差強實人服二方寸匕此

調風實之人三伏中宜用若去大黃即春夏通用

活血散治瘡子或出不快

用白芍藥末一錢酒調如欲止痛用溫熱水調下

豬尾膏治瘡子倒厭

用小豬兒尾尖刺血一兩點入生腦子少許同研新水調下立効

無比散治瘡疹惡候不快及黑瘡子應一切惡候

牛黃

麝香

龍腦

膩粉

各壹分
研細

朱砂

壹兩先研如粉

右為極細如有患者小兒一字大人半錢水銀少許同小積豬尾上血三兩滴新汲水少許同

先寧穩得睡然後取轉下如爛魚腸蒲桃穗之類

涎臭惡物便安小兒用柿汁滴尤妙

龍腦膏子治時疾發豌豆瘡及赤瘡子未透心煩狂

躁氣喘妄語或見鬼神或已發而陷伏皆宜速治不

爾毒入臟必死

生龍腦 壹錢

右細研旋滴猪心血和丸雞頭肉大每服一丸心

煩狂躁者用紫草湯化下若瘡子陷伏者用溫酒

化下少時心神便定得睡瘡疹發透依常將息也

如聖湯治小兒瘡疹毒攻咽喉腫痛

桔梗壹兩 牛蒡子炒壹兩 甘草生壹兩 麥門冬去心半兩
右為細末每服二錢沸湯點細細呷服入竹葉煎服尤妙

决明散治疹痘瘡入眼

决明子壹分

瓜蒞根半分

赤芍藥壹分

甘草壹分多

右搗羅為末每服半錢蜜水調下日進三服

撥雲散治疹痘瘡入眼及生翳

桑螵蛸真者壹兩炙令焦細研

右搗羅為細末入射香少許令勻每服二錢生米

汁調下臨卧服之

蜜蒙花散治疹痘瘡并諸毒氣入眼

蜜蒙花壹錢半淨

青相子

决明子

車前子各半錢

右為細末用羊肝一片破開作三片摻藥令勻却合作一片以濕紙七重裹煨灰火中煨熟空心食通聖散治疹痘瘡入眼及生翳

白菊花壹兩如無則甘菊花代之然不如白菊

菘豆皮

穀精草去根各壹兩

右搗羅為末每服用一大錢乾柿一箇生粟米泔

一盞共一處煎候米泔盡只將乾柿去核喫之不
拘時候一日可喫三枚日淺者五七日可効遠者
半月餘矣

蛤粉散治小兒瘡子入眼

穀精草

蛤粉 各等分

右為末每服一錢匕猪肝二兩許批開摻藥卷了
青竹葉裹麻縷纏定水一椀煮令熟入收口薑餅
內熏眼候溫取食日作不過十日退

秣陵吳鳴鳳重校

增注類證活人書卷第二十一終

增注類證活人書卷第二十二

無閔居士李子建撰

新安師古吳勉學校

傷寒十勸

一 傷寒頭疼又身熱便是陽證不可服熱藥

傷寒傳三陰三陽共六經內太陰病頭不疼身不

熱少陰病有反發熱無頭疼厥陰病有頭疼而無

發熱故知頭疼又身熱即是陽證若投熱藥必不救

二 傷寒當直攻毒氣不可補益

邪氣在經絡中若隨證早攻之只三四日痊安醫

者乃妄謂先須正氣却行補益使毒氣流熾致殺人
傷寒不思飲食不可服溫脾藥

傷寒不思飲食自是常事終無饑死之理如理中
圓之類亦不可輕服若陽病服之致熱氣增重或
致不救

④傷寒腹痛亦有熱證不可服溫暖藥

難經云痛爲實故仲景論腹滿時痛之證有曰
甚者加大黃夫痛甚而反加大黃意可見也
冷厥逆而腹痛者方是陰證須消息之每見
多緣腹痛便投熱藥而致殺人也

⑤傷寒自利當看陰陽證不可例服補暖及止瀉

自利惟身不熱手足溫者屬太陰身冷四逆者
少陰厥陰外其餘身熱下利皆是陽證當隨證依
仲景法治之每見醫者多緣下利便投暖藥及止
瀉藥而殺人

⑥傷寒胸脇痛及腹脹滿不可妄用艾灸

常見村落間有此證無藥使用艾灸多致毒氣隨
火而熾膨脹發喘而死不知胸脇痛自屬少陽腹
膨脹自屬太陰也此外惟陰證乃可灸耳

⑦傷寒手足厥冷當看陰陽不可一例作陰證治有

陰厥有陽厥醫者少能分辯陽厥而投熱藥殺人
速於用刃蓋陽病不至於極熱不能發厥仲景所
謂熱深者厥深也熱深而更與熱藥寧復有活之
理但看初得病而身熱至三日以後熱氣已深大
便秘小便赤或譫語昏憤及別有熱證而反發厥
者必是陽證也宜急用承氣湯下之若初得病身
不熱大便不秘自引衣蓋身或下利或小便數不
見熱證而厥逆者即是陰厥也方可用四逆湯之
類二厥所以使人疑者緣脈皆沉然陽厥脈沉而
滑陰厥脈沉而弱又陽厥時復指爪却溫陰

冷此爲可別也

四傷寒已在裏卽不可輕用藥發汗

傷寒證須看表裏如發熱惡寒則是在表正氣
汗如不惡寒反惡熱則是裏證若醫者一例發汗
則所出之汗不是邪氣皆是真氣邪氣未除而正
氣先涸死者多矣又半在表半在裏之證及無表
裏之證不惟皆不可下仍亦皆不可汗但當
而治之可也

九傷寒飲水爲欲愈不可令病人恣飲過度

病人大渴當與之水以消熱氣故仲景以飲

欲愈人見此說遂令病人縱飲是日嘔瀉
欬逆為下利為腫為悸為水結為人等不利
矣且如病人欲飲一椀只可坐椀之邊
為善也

傷寒初差不可過飽及勞動或食羊肉及行房
與食諸骨汁并飲酒

病方愈脾胃尚弱食而過飽不能消化病即再發
謂之食復病方愈氣血尚虛勞動太早病亦再發
謂之勞復又傷寒食羊肉行房事並死食諸
酒者再病之也

予每念父祖俱死於傷寒乃取仲景所著深經
八年之後始大通悟陰陽經絡病證藥性俱了然於
胸中緣比年江淮之民冒寒避寇得此疾者頗眾遂
依仲景法隨證而施之藥所活不啻數百人仍知傷
寒本無惡證皆是妄投藥劑所致因追悼父祖之命
皆為庸醫所殺而又歎人無間於貧富貴賤於此不
能自曉則輕付一命於庸工之手也今輒撫其流
多誤有害於命者略開其說目曰傷寒十勸其言不
欲成文冀人易曉而以為深戒云

慶應丙寅八月十九日補頁影騰及標記朱正朱抹等一過了森約之卷頁之三

